

兩浙輶軒錄補遺

兩浙輜軒錄補遺卷五目

潘汝誠 朱沛然 倪嘉謙 范容治 吳興宗

吳龍光 汪堡 張兌和 凌洪仁 唐樞

鮑善基 凌兆亨 孫宗溥 蔡應彪 高植

陸樹本 馮鈐 祝勳 潘汝龍 沈亦敬

金韻古 盧憲觀 許鉞 王任湖 曹培亨

俞洲 朱坤 楊詠 徐垣 張學浩

徐鴻昇 唐炳 潘輝 許椿 俞本

閔文山 葉聞性 陳作梅 朱佩蓮 羅塋

董景坡 胡其煥 孫大夏 章愷 閔鶚元

沈榮昌 王際華 吳文暉 朱丕基 吳侯

陳廷表 汪光甲 陳德星 溫貽孫 孫珠

施曾錫	邵樹本	朱丕烈	查銓	劉尚德
關邦幹	姚晉錫	都鏞	趙佑	蔡成亮
紀復亨	陳齊紳	龔同	吳泰	袁匡肅
鄭步雲	吳壽祺	莊肇奎	朱休承	田尹衡
沈存釗	周翼洙	查虞昌	龔大欽	劉振聲
袁宏謨	楊塏	賴鵬飛	及世楷	汪璉
汪燿	王汝爲	聞人鍵	柴育孝	戈守智
魏舒	施遇鑾	錢大琴	吳澂	黃璋
余大觀	方塘	張宗本	查昌和	孫鯤化
陸昌祖	袁鑒	陳經禮	臧榮青	蔡亮茂
楊金蘭	陳用敷	唐淮	沈啟震	童鳳三
沈咸熙	倪廷模	葉菱	李常言	張慶源

馬俊良 沈琳 沈疇初 齊世南 許昇元

吳紀 俞耀 陳祖烈 盛復初 姚騰虬

胡霽雲 蔡崇基 駱洪裘 楊爲裘 陸賢英

陳可升 丁伯長 朱邦垣 馬鏐

兩浙輜軒錄補遺卷五

潘汝誠

字笠亭一字榕堂歸安人乾隆丙辰進士官撫州知府

陳傳經曰榕堂太守詩十四卷杭堇浦厲樊榭家勾山諸先生爲之序

過碧浪湖

兩槩南湖曲千山落日斜夕波翻浴鷺塢影走平沙雲護林
端磬風吹城角笳一生襟抱在直欲卧烟霞

舊館

泰安焦家庄

山家我舊識小住亦忻然夜壁能分火朝厨不礙烟短筇挑
菜節深殘養花天好事曾傳曲回頭已六年

朱沛然

字霖齋一字偶圃桐鄉人乾隆丙辰進士官江西高安知縣

汪嘉穀曰偶圃本李氏子幼育於朱從其姓官高安三年不名一錢後以疾歸父老皆涕泣攀留好事者爲敘其政績徵詩紀事曰天池集家貧甚無子有一妾能守志以歿

俞寶華曰偶圖爲錢蔣石侍郎王穀原比部諸公至友詩入侍郎所定十一家英華集中惜其稿存單溪翁學士處不能遠覓僅存此首

高安志別

涼風颯颯已吹衣
松菊猶存未忍歸
仰止廬陵儀宛在
孔懷康樂夢都非
形骸槁木疑同瘦
囊橐藏書亦自肥
倘許芟荷遂初服
支筇還擬叩扃扉

倪嘉謙

字有光號哀山仁和人乾隆丙辰進士官懷遠縣知縣著有紫塞吟歸田雜咏集

陪許司馬游清涼寺卽席用壁間韻

覓閒來古剎
晚景逼殘年
風靜辭枝葉
霜晞近午天
梵聲寒澗外
廬舍亂峯前
瘠土因饑歲
荒涼幾點烟

范容治

字民思仁和人御史允錡子乾隆丙辰進士官保昌知縣

遊光孝寺同杭堇甫

砌外菩提樹經今歲月忘僅能殊拱把何處認蕭梁宛矣悲
人世無由說久長相從看落葉又恐怨他鄉

吳興宗

字祥發石門人乾隆丙辰進士官工部主事

姚烈婦詩

并序

烈婦沈氏許字姚未婚而夫歿號哭奔喪撫猶子爲
嗣三年夢夫告以伯夷叔齊事因感悟遂絕粒三十
餘日而死前一日作絕命詞事載嘉興府志

從容峻節壓巔岬士女扶綱論蓋棺三載冰心生不愧孤燈
皎志死何難納徵早定重泉義同穴猶賡古井寒絕筆有詞
垂汗簡更無薇蕨代藜餐

吳龍光

字雨亭錢唐人乾隆丙辰副貢生

舟中晚望

孤櫂晚來急低飛燕欲巢遠帆沉浦外野屋出蘆梢日夕水容澹雲深樹色交一痕新月上清影落空郊

汪堡

字子堅一字固城行人紹熈子乾隆丙辰五經舉人候補中書有思樓詩集

渡江

南北殊方隔岍遙中央歸客鼓輕橈江山入畫雄千里興廢循環送六朝楚塞雲飛連暮雁吳天風起捲秋潮當年陳跡斜陽在遺恨東流永不消

張兌和

字東園一字綉園烏程人乾隆丙辰舉人官四川西陽知州著鵲峙山房詩鈔

香國寺

言尋香國寺落日翳孤墩萬木秋臨水三江月到門人烟依磬寂漁火隔林昏爲問炎州果何年結淨根

寺有荔枝龍眼二枝

凌洪仁

字獻珍一字訥菴乾隆丙辰舉人

藕香榭前試舟

袷衣初試麥鬚風
挈侶山池放短篷
恰似永和三月裏
一杯浮在縠紋中

高下樓臺縮畫廊
小橋斜去接橫塘
數聲啼鴂不知處
幾點落花明夕陽

唐

樞號訪庭錢塘監生乾隆丙辰舉博學鴻詞

遊粵山道院

粵山是處足勾留
萬壑千峯一望收
自昔仙踪憶劉阮
至今鐵笛歷春秋
上有鍊松杉葱鬱層樓靜道路廻盤石洞幽
得浮生合行樂
此身天地一沙鷗

鮑善基

字致高杭郡諸生著有巢壺集

楊秉初曰致高先生負文武才有國士氣未竟其用士論惜之

晚泊湖塘

一葉泊湖塘風來水面涼遙憐紡紗女清響出廼廊自有中天月無勞東壁光予懷殊耿耿歧路獨徜徉

江城雜感

優鉢曇花已劫灰空餘雲石點蒼苔池荒是處皆秋水物化今知有異才千載鶴歸華表柱百年人冷讀書臺寓爲屠赤水故居今

改陳忠貞祠字

登陴一望江流白多少英雄沒草萊

凌兆亭

字履泰一字井亭蘭谿人乾隆丙辰舉人

俞寶華曰井亭中明通榜因母老不仕設教家之待雲樓太守蕭田鄭公遠贈詩云賢良詔舉學尤精繩武巖亭理義明留得楓山遺澤在

蘭江宗匠屬先生行誼可知

舟次丹陽

參差雉堞暮烟平南北舟車此問程衰草六朝京兆府斜暉

百里潤州城津橋小市爭蝦菜江郭層雲度雁聲我欲停橈
尋古跡蕭蕭風色峭寒生

孫宗溥字守愚號牧堂仁和人乾隆丁巳進士官禮科給事中

楊秉初曰乾隆丁巳公成進士改庶吉士旋充八旗通志館纂修已未授編修丙寅改授御史辛未轉禮科給事中以父老請假歸里家居十餘載杜門却執惟以承歡養志爲樂子述曾湖北德安知府效曾翰林院侍講事詳梁山舟先生墓志

宿雲棲寺用陳文簡留題元韻

出郭尋幽半遶村青鞋布襪踏松門千重巖壑團欒繞一徑
煙蘿次第捫漸識慈雲來淨域誰從佛雨種靈根瓣香先向
仁祠奉爲答三生普渡恩

山中龍象護長筵百八鐘聞昧旦前四座金輪彌上界千聲
貝葉徹諸天莊嚴法宇空爲色解脫情塵佛亦仙我欲破除

三宿戀深慚未悟小乘禪

仇池小關洞中天山色週遭鎖碧烟長嘯未妨中散逸清齋
已學太常虔欲尋心月無明諦須續身雲不了緣莫倩龍池
伸一指輸他金粟是青蓮

燈前半榻尚攜棋坐聽荒山叫子規入室便生塵外想出門
定禮塔中師六時梵偈聽頻續一片香烟喜暫依莫道枯禪
無智力竹牕遺筆擅精思

蔡應彪

字炳侯一字嵩霞仁和人乾隆
丁巳進士官至貴州布政使

俞寶華曰乾隆丙辰嵩霞方伯與先大父同出安溪李
少宗伯之門後又同官山左交最契其工詩善書華幼
詩習見之惜全集以哲嗣遠宦未得見惟
題先大父聽簫圖詩猶藏余家亟錄之

題俞熒齋同年聽簫圖

身在衆香國裏神遊姑射山頭妬煞披圖永日居然常住羅

浮

座上聞思俱徹花前喉舌皆香不顧閒庭俏立雙雙耳語雌

黃

高

植

字梯月號槐堂武康人乾隆丁巳進士官揚州同知改江寧通判著有近齋集

徐熊飛曰先生潛心理學不以詩名然政治之暇頗事吟咏嘗得手稿數編皆究心民瘼語也乾隆丁丑高郵寶應大水先生奉大府檄勘災繪圖題詩以獻詩意沈摯如元聲叟春陵行

五港鎮民以野蔬水草爲飯惻然憫之

問民爾何食二麥性味良其麤亦足飽雜以野菜香野菜采已盡蘋荇擷其芳舍此尚有水底草青青如帶魚所飽調和入口氣仍腥况缺醃酸那可敵安得野田黃稗子和藁刈來略加杵淘之入釜既成羹香甘直比稷與黍君不見淮西大賈浮輕航船中燕客屠猪羊

陸樹本

字豫立一字根堂嘉興人乾隆丁巳進士官編修

陳傳經曰根堂太史主駕湖講席二十
年祀清獻公于書院沒卽從祀其側焉

陪錢香樹司寇集胡子健上舍齋中看牡丹分韻得發

字

近局赴嘉招深情在彌闕賞心花正佳會友禮勿越前輩勵
純修餘憾無毫髮憐才意自真忘分義相揭胡子甫弱冠下
筆頗與核勗以及良時早歲期奮發亶亶功必成汨汨聽不
竭閱世揆情田研慮探理窟于以琢溫其直可永貽厥歸來
語兒曹其無忘寶笈

馮

鈴

字咸六一字柯堂侍郎景夏次子桐鄉人乾隆丁巳進士官安徽巡撫

恩賞

汪嘉穀曰中丞撫安徽以失察落職尋蒙
按察使銜詩不多見族孫吉齋孝廉出示數首存之

俞寶華曰中丞撫皖時闕後圃時梅及
雜蔬果題其楹額曰菜根香今猶無恙

田家

秋色冷柴門霜風拂高樹稻垂十頃黃鷄唱一村午繞舍水
彎環扶籬竹撐拄呼童撥甕雲雅意今已古

祝

勲字元庵號志劬海寧人乾隆
丁巳進士官廣西象州知州

俞寶華曰志劬先生爲余姑婿簡田太
史贈翁居官有隱德詩亦粹然無瑕

晚征

瘦馬疲行役揚鞭送落暉斷橋人獨立帶郭水斜分古寺一
聲磬遠山幾片雲勞勞君自取天末雁呼羣

卽目

烟圍暝色山鳩喚新秋雨不見上山人但聞山上語

潘汝龍

字健君號散畦歸安人乾隆丁巳進
士官福建永定知縣著泊宅詩鈔

俞寶華曰泊宅詩陳勾山齊
次風杭堇浦諸先生皆有序

兩浙輶軒錄補遺

卷五

祝勲潘汝龍

六

晚過黃河

風沙吹漭蕩日暮此揚舫地險河流赤關寒馬色青堆盤惟
草具攜笈有圖經

舟中聞先宮保河防一覽

舊業憑誰問荒碑蹟已冥

江干晚眺

日暮樟亭望涼波接混茫烟光一鳥白江氣半城黃故壘空
秋草漁舟帶晚霜平生懷古意愁對越山蒼

蠶桑樂府

東家西家綠陰接短梯斜倚粉垣立上已過頭雨聲大三日
猶可四殺我朝來拔髻典銀釵三百青銅剛一箇舍南一枝
桑初嫁垞北百本先春賣糝粉作蠶蠶欲死小娃去作豪家

婢

右采桑

繡筐滿貯麝蘭大漬水擘縣當晝坐簪簪作架月半弓堯羅

涌現清虛宮冷光漏日雲濛濛別有縑餘軟于紙素腕迢迢
澌波裏柳花一簾吹不起牆上曬絲牆下陰蠶娘歲歲栖單

衾

右剝
絲

秋日泛碧浪湖

環郭雲藍水面平巖光林影互陰晴荻花風裏舟如燕兩岸
青山直到城

沈守敬

字同叔號軟翁海寧人乾隆丁巳進
士官直隸武清知縣著遊粵小草

楊文藻曰外曾叔祖宰武清不得志掛冠遊粵西中
丞鄂公聘主秀峯書院遊粵小草多清挺沉著之作

獨秀峯

獨秀峰頭望高危四照寬烟雲籠樹闊日月浸江寒拔地擎
孤掌環山壯遠觀永懷列禦寇輕舉得騖鸞

金韻古

字聲振仁和人乾隆丁巳進士有靜對軒齋

晚雨

雨聲在荷葉虛檻忽生涼古樹帶新濕蒼苔浮靜香夢遙冰
簟冷夜半酒尊長得此蕭蕭意風搖蠟炬光

盧憲觀

字賓王仁和人乾隆丁巳進士官山東按察使

題易徵君廬墓圖

霜露淒清秋正陰邱園一望總蕭森白雲滿眼春暉盡喬木
難忘才草心

許

錢字靖岩號石蘭錢塘人乾隆戊午舉人官廣州府同知著積厚軒藥

晚晴

驟點翻荷葉依然放夕曛池收將退水風揭欲開雲槐樹疎
陰潤蟬聲遠唱聞憑軒舒望眼野色許平分

七夕雨

不耐爲文媚女牛自甘才分拙如鳩頻年賴有書堪曝此夜
惟應酒可酬蜥蜴呪來三尺雨螭蛄吟破一分秋問誰曾見
天孫駕辜負人間乞巧樓

王任湖

字可久號具區山陰人
乾隆戊午舉人官助教

落花

經行不是舊時蹤十二重臺碧草封剩得數枝還護惜相留
一日且從容生憎風雨迫隨苦老向塵埃輾轉慵未必東鄰
皆似此短牆儘度細腰蜂

曹培亨

字汝咸一字孺巖嘉興人乾
隆戊午舉人著松風堂集

汪嘉穀曰孺巖喜集杜詩開闔變化無雙續之痕諸草
廬宮贊題其卷云前身子美笑且泣非子誰復見幽心

暮春漫興

一聲鶗鴂黯傷神眼底穠華盡麴塵柳絮不堪縈短夢榆錢

何處買殘春飛花入戶催詩急野鳥提壺勸酒頻攬鏡幾回
愁自照蕭蕭白髮已盈巾

俞

洲

字阜亭一字沙村海寧人乾隆戊午舉人官直隸通州同著備忘錄

王際華曰沙村爲余戊午同年性孝友弱冠在京邸適祖五峯少宰以關稅不符下請室時沙村以家孫周旋患難入則納餽出則對簿心力交瘁事卒得白後官通潞衝炎查賑遺疾卒于官詩多和平溫厚一如其人

秋笛

有聲來碧落吹裂暮雲秋一色天連水三更人倚樓梅花殘
半落鶴唳遠同幽截得斑斑竹湘江無盡流

朱

坤

字中璜秀水人戊午舉人官博平知縣

汪氏雙節詩

瀟瀟風雨送華年一室因依未了緣永夜篝燈愁共照孤兒
問字喜同傳家聲此日延三世心迹當時誓九泉想像雙貞

難舉似東西猶記蜀山巔蕭邑有東西兩蜀山

楊

詠

字抒懷一字吟雲海寧人待郎雍正孫乾隆戊午副貢生官江南沛縣知縣著補梧艸堂詩存

杭世駿曰楊詠名家子以詩爲職業

俞寶華曰吟雲先生爲以齋司馬少孫弱歲工吟咏杭
董浦太史見而賞之訂忘年交後入京師與陳勾山沈
椒園錢蕓石諸前輩遊酒盞詩筒始無虛日出宰沛邑
稱強項吏歸田後僑居禾中適姪兩松先生開府八閩
餘或守荊州或令維揚冠蓋相望公惟閉門課孫視榮
利泊如也年九十餘乃卒孫三人皆有聲最少者爲芸
墅茂才尤留心文獻

勸酒歌寄友人

我笑棄繻生殊殊何處走我哀長沙客悵悵維速朽縱博成
都負弩歸蕭閒何似臨邛金身後名卽時酒此中得失君知
否世事紛紛等奕棋獨對一卮開笑口春過三月定須殘人
到六十已云壽屏除一切障仗此掃愁帚隨意答韶華勿放

持杯手天子三呼且不聞丞相一怒夫何有孰云傷我生糟
肉乃更久孰云廢我時壺中具卯酉莫謂囊無錢金貂暫向
黃公叩莫謂座無賓舊侶寧落高陽後好花寂寂笑醒人大
地茫茫臥醉叟處禪蟣蝨任地馳帶角蝸牛徒自吼泛水取
碧筒登山攜紅友但得樽中長不空那期肘上大如斗歸來
記取擊君背俗物忍斷真可醜

晏起

曉睡苦太促况當春暮天鳥聲喚起後花影落簾前倦客未
朝食人家生午烟愁中成一莞何幸此安眠

遣懷

路遶荒塘夢遶沙漫攜書劒走天涯未成一事先就懶纔到
中途卽憶家水國夜寒封戶密孤舟雨重壓帆斜經春閒却

尋芳屐蓬髻蕭蕭自著花

淮陰遇荆太守卽別

昨看邗水三分月今聽山陽一簃風客裏故人惟爾在暮帆
零落又西東

徐

垣

字紫庭號芷汀大典籍山陰人乾隆己未進士歷官貴州布政使

浙江通志垣官貴州時巡撫奏開南明安順二河運銅鉛南明灘高舟不可行撫護前有同乃陸運而以水運報公密奏罷之

紹興府志垣官皖饑民數萬噪于府署太守請發兵垣出馳諭辭義慷慨皆散去

漢川道中

古色晴川路孤篷遠客舟江聲連夏口帆影入荊州臨水村
成市沿堤樹欲秋不堪聞畫角日暮又勾留

張學浩

字不群號熒堂海寧人乾隆己未進士官河南上北河同知著熒堂詩鈔

呈錢香樹大司寇

一代文章伯

三朝柱石臣呼爲

天子友收得宰官身翰墨隨章奏簪裾領薦紳蓮花橋畔路
長接

帝城春

蓮花橋錢
住宅也

趨謁尚書第依然儒素風樓臺無地着井樹與人同喜近棲
梧鳳光邀戲海鴻吾鄉文獻在衣被更何窮

徐鴻昇

字鳳苞平湖人乾隆己
未進士官寧鄉知縣

朱爲弼曰鳳苞先生罷官後家居授徒足跡罕至城市
晚年貧甚文史自娛恬如也官績詳嘉興府志詩淡
雅不多作茲于其從孫徐蘭
坪處搜得數首詩坪名文炯

秋夜過嘯竹軒

山人卜築稱幽棲曲檻迴廊石澗西最是竹林清絕處一痕
秋月印前溪

嘯閣同張處士雍來夜話

十載忘年友相逢愜素懷漏殘愁短燭話永醉深杯皓月隔
簾入清風拂塵來東籬重有約爲報菊花開

唐

炳

字來儀一字月村歸安人乾隆己未進士官湖南桃源知縣著月村詩稿

莊有恭傳畧曰月村少失怙貧甚衣食年二十五舉於鄉凡八上公車不售所爲詩鬱塞無聊時寓適往不群之概已未成進士入詞垣壬戌散館改授邑宰年已五十矣

京邸旅懷

衣冠拜別可憐生白髮添愁又一春依舊離魂隨夢遠那堪
枯淚逐年新北堂明月三千里古寺青燈四五人欲作家書
頻閣筆更無好語報慈親

潘

輝

字照庭號敬齋安吉人乾隆辛酉選拔貢生樂清縣教諭有浮玉山人詩

陳焯曰敬齋攝事在紹興時會太守席公椿立稽山畫會會者十四人敬齋詩有北苑丹書重立杜東州人物又開宗冷署功名花內影浮萍踪跡鏡中身之句時人稱之余無從得其詩稿從瑞安門生家蒐探之著於錄

丁酉重九後八日鍾學博景北倪秀才文燦偕遊仙巖寺過虎溪橋登浮圖緣澗而上至梅雨潭憩瀑布亭作流觴小飲興盡而返繪圖作詩紀事

洞天福地列神軸仙巖乃在二十六就中名勝跡最奇梅雨飛空灑幽谷蕭蕭木葉當高秋鍾倪二子邀同遊入門煥然照金碧參差殿宇搖雙眸上登浮圖盤七級羣峰面面皆拱揖有客自嫌足力疲仰視青雲但鵲立右伏怒虎巖常掀左抱吼獅峯如蹲白雲四山初出岫碧澗一水隨窮源雪瀑直下三千尺寒潭知是蛟龍宅急碓喧脰春不停平疇灌漑流

無擇快哉攜手偕登臨一泉一石恣豪吟著屐既踐阮公約
流觴復效羲之斟我來章安日已久賞異追歡時在口試將
絕境比龍湫變幻須臾靡不有古寺創自貞觀中歷宋元明
傳無窮中興竟稱天目老雲川繼起恢宗風翠壁嶙峋倚天
宇蒼崖削劣闢靈戶重欄高甍屢廢興此景與之長終古同
行邀作霜林圖聊寫粉本強模糊新裁恨非洪谷手題詩篋
箕搗方壺倦羽知還乃嘯侶老僧款扉留未許送客逕過虎
溪橋臨岐一笑皆無語

許

椿

字董園嘉善人乾隆辛酉舉人官四川內江知縣

陳傳經曰董園官蜀時值征緬委解馬不廢吟咏著南
征旅草二卷補內江金川叛檄同登春臺站溫相師濱
董園力戰罵賊死事聞贈道銜

賜祭配享雙忠祠

留別吳敬齋廣文

兩浙輶軒錄補遺

卷五

許椿

俞本閱文山

三

立意何曾有徑庭隨波離合一浮萍飽嘗世味饒甘苦酣坐
春風任醉醒殘柳送行霜裡綠好山作別眼中青人情物理
俱無礙只讀南華內外經

辜負山陰道上遊晴光偏惜兩春秋又看賓鴈穿雲腳卻剩
乾螢在案頭雲淡自籠秦望月花明誰放剡溪舟只憑此後
魚箋寄好景從君句裏收

俞

本字其淵會稽人乾隆辛酉舉人著有佳文樓集

登中村山

下山雲在山上山雲在樹怪石熊虎蹲仄徑豺狼據忽忽而
聲來松花落無數

閔文山

字敦甫號晴巖烏程人乾隆辛酉舉人著在暇詩鈔

吳興詩話孝廉在暇詩鈔多無題詩並
題海鷗小譜二絕因好詩春耳聾不仕

舊遊

蕭瑟西風落照斜
小橋深巷是誰家
舊遊似夢重回首
一帶寒林噪暮雅

葉聞性

字逢原一字竹巢西安人乾隆辛酉科拔貢生著有自娛集

華日南曰竹巢性敦厚好施與少從錢塘費丹林先生遊後膺選拔入都以毋老歸養所著自娛集費筠浦制府爲之作序

蓮溪別墅

柴門靜對清溪曲
竹樹森陰漾寒綠
一帶墻陰翳薜蘿
浮鷗自在沙頭浴
午鐘風送隔溪聞
草碧空階遠俗氛
散屨東臯時遠望
千山雨過亂堆雲
野花馥馥添隴畝
驅犢歸來逢老叟
儵然並坐話桑麻
日暮提壺買村酒
酒後酣歌且擊缶

陳作梅

字樊原一字雪園嘉善人乾隆壬戌進士官雲南迤西道著雪園小稿

兩浙輶軒錄補遺

卷五

葉聞性陳作梅朱佩蓮

三

嘉興縣志作梅官刑曹辦點省魏齋婆一案全活甚衆
轉臺中條陳綠旗營及江浙海塘事宜得如議行外擢
觀察却土官金盆金
孟之饒尤著廉節云

人日吳江道中

涉七便行役韶華空自芳日邊鄉樹遠關外客程長
野草雙蓬髻江流九曲腸花前與雁後離思劇難忘

舟次無錫

爲愛梁溪水津頭且歇船數峯茅寺側一徑柳堤邊
著屐思靈運登樓感仲宣來尋孟光宅得探慧山泉

秋暮

已見蘆花白俄驚楓葉黃西風吹短髻又度一年霜

朱佩蓮

字玉堦一字東江海鹽人乾隆壬戌進士官翰林待講著東江詩鈔

嘉興府志佩蓮督學廣西乞歸後辛未海鹽歉收濱海
民販荒鹽場使因以拒捕聞當事欲以兵至佩蓮馳馬

途次詩以百口
保澈民事得寢

汪嘉穀曰侍講學問淹貫與竇東臯先生齊名好事者
稱南朱北竇然亦不爲苟同論難繼起而相得如故益
見兩公契合自有真也

海上遊仙詩有序

憶海上名勝如伯牙臺下白洋河譚仙嶺下永安湖
殊多仙跡非獨遊覽幽異利賴實大惜其日就蕪沒
有懷修濟而不果聊空言以表彰亦足少慰地靈也
秦皇求靈藥遠跡至海門豈知飛昇術偏在避秦人五百青
春女一朝倏通神毋乃深山鵑可以養天真至今雞犬聲尚
復有遺民我欲逢漁父尋源訪隱淪如何非東海行行見揚
塵一失桃花水邈然無問津

金牛出毘陵奔若電光掣飛過吳閶門路人眼一瞥窈窕入

南屏追者五情熱伯通先及之兄弟殉重穴神物不可爲枉
費拔山力揮手謝時人牛背非所屑

崇邱爲浚谷浚谷爲崇邱如何峴山江沈碑未見浮如何柘
湖山陷水溪上游造化多反覆若者能預籌而我心耿耿夫
寧爲身謀衣食不常道溝洫及時修不然舍海角五嶽可遨
遊

羅

埜

字枚卜仁和人寄籍昌化乾隆甲子
舉人廣東遂溪知縣有咏史樂府

石生墓

明石大用正統間爲國學生祭酒李時勉忤王振坐
困首木大用約諸生疏救無一人乃憤然抗疏得釋
後舉于鄉爲戶部主事墓在縣城南一里許

士可殺不可辱囊頭今見司成衎民生三事之一建言誰是

陳東匹書生淚如泉赤手竟回天卻如孤鶴唳雲際羽蹠躡
君不見幽壙石馬英靈老行人猶指青青草

李莒州

明李昌漣崇正間以貢生授莒州判攝州事 大兵
至與夫人何氏子爾璇僕郭登雲死之

大兵南下鼓聲促志士全家沸天哭五日代庖名義重臣力
竭矣死莫贖妻殉夫子命俱絕碎磔蒼頭心似鐵嗚呼哀哉
李莒州見危致命天爲愁殷家孤竹漢無終真堪鼎峙光千
秋

董景坡

字過之一字眉峯烏程人歸安
籍乾隆甲子舉人著眉峯詩草

秋雲

滿眼庭臯柳憚詩山容人意總相宜斜穿潭影龍隨起低壓

河聲雁下遲城角護霜秋破損渡頭遮月晚參差無心舒卷
原無事倦鳥孤雲會有期

胡其煥

字傳雲又字雪巖德清人乾隆甲子舉人

碎碑歌

右軍眞跡空人寰臨摹獨數褚河南居民何處購遺本出自

鬻宮枯井間此碑云是唐宗頒鏤金削玉付冷官

董思白云昔唐太宗

命褚虞歐陽摹右軍此碑百本置天下學宮

忽經兵燹遭沉烟中宵恠氣紅燭天

掘之乃獲碑文全爬梳隱隱露波磔但見龍跳虎卧縈拂蒼
花斑覆以雲藍牋搗就隄塵屑輕槌細細入筋骨背有稊序
面黃庭逸少文章聃老訣眞兮草兮誰比倫直使虞歐難下
筆瑤臺嫵媚仙女姿晴空飄緲春鸞翼一朝墨寶出篋持向
人馳檄飛書來頃刻搨工臂斷兩手胝擔囊拘盡千驟蹄高

官恣意談古物深愁石爛終無日吁嗟乎六丁之斧來虛空
假手醉漢聲磴礧老天憐此揚摹苦肯記名人十指工玉斗
撞既碎銖衣破難縫至今殘片分西東我來潁上搜古逸蒼
涼尚見潭州帖縈紆細裂蝸牛迴璣碎傷痕饑鼠嚙世間何
物長堅牢劫後能令紙價高君看四三百字精采動顏色寶
之猶勝英瓊瑤

孫大夏

字咸三一字曉垞山陰人甲子舉人官龍游訓導著有紅草堂文集

余習曰曉垞先生篤行誼工詩文秉鐸龍邱時以勤學
立品與諸生相砥礪與余家往來最密花朝月夕拈韻
擘箋多所就正惟詩稿散佚茲從
題家蔚堂世父小照中節錄之

爲余蔚堂題星隄步月圖

星隄月夜夜照星隄余君童時遊釣地步月不出隄東西一
年強半成結癖每從暮往朝聞雞如朋耐久奇耐賞誓願終

始無相睽君曾獻策省門裏月亦隨君度激水月輪處處長
隨君君意殷勤惟戀此寬夫落筆妙入神爲寫隄月復寫眞
清輝一片河漢外風露蕭瑟無纖塵僕家近在鑑湖曲乘月
時時窺寒綠何當歸去續清遊亦倩寬夫畫尺幅

章

愷

字虞仲號北亭嘉善人乾隆乙丑進士官翰林院庶吉士著有北亭叢稿

楊文蓀曰北亭遺集未梓辛酉春從西吳書賈搜得北亭叢稿一冊半館課作餘古近體亦佳妙所著有蕉雨秋房及杏花春雨樓詞約百餘闕並存于篋衍中

題秦良玉傳後

玉弩驚天事莫論闔闐獨有壯心存指揮貔虎威無敵掃蕩
鯨鯢氣欲吞錦繡行邊諸洞集繡旗臨陣萬軍奔金刀運盡
瓊戈委千古夔門怨暮魂

孫奉之有詞留別作此送之

離亭短笛綠楊風一曲臺城怨未終安得酒船三百斛與君
小住譜香紅

香林

在柳洲亭民隅具亭池竹石
之勝邑人朱氏別業

陰陰密柳萬條垂綠染牕紗碧染池愛煞午風清暑後曲欄
干畔坐移時

閔鶚元

字少儀一字峙庭歸安人乾
隆乙丑進士官江蘇巡撫

自褒谷上雞頭關

谷深晴亦晦塞古徑難穿入險疑無路登高忽有天帆檣江
色遠烟樹峽雲連回首秦臺望千峰翠似烟

登州道中曉行

一抹寒雲似嶺橫出門曾未見人行天星漸逼晨光淡月色
猶含夜氣清瘦馬淩兢山骨碎征衣荏苒露珠明依微村落

蒼烟裏早有卑官道上迎

沈榮昌

字永之一字省堂歸安人乾隆乙丑進士官江西糧道

丙戌五月重過懷慶留別

昔年縞服出懷州握手吞聲不忍留
紫綬重麾經勝地青山老眼認前遊
爾民念我方知媿自問如何是報酬
惟有古陽堤一線沙明水碧照人流

辛巳秋水官民淋立三晝夜卽此隄

簡視邊城過延川縣爲家大人舊遊地賦詩寄呈

昔年奔走日父子爲饑驅祖德留魚笏

君恩握虎符仰酬何以稱夙志本無殊
祇願吾親樂春臺與衆俱

王際華

字秋瑞號白齋錢塘人乾隆乙丑進士歷官戶部尚書謚文莊

隨園詩話同年王大農秋瑞夢月華而生故小名華官
俞寶華曰文莊以進士第三人授編修後數歷清要三

十餘年治事敏覈爲時名臣于文事尤加意詩未見全集從香樹齋集錄入

典試江南香樹師以詩題扇見貽次韻

司衡南國有師資兩度聲名重立之

少農立之世講兩典此邦試事

竊取鯉

庭香一瓣掄元可証賞心時

解元張曾敷王午己爲司農激賞以官卷避嫌而止

師門玉尺每追叅青本原來却有藍个裡毫釐千里別步趨

容易說無慚

吳文暉

字翼萬號燈菴海鹽人乾隆丁卯舉人著燈菴遺詩

錢大昕傳畧曰君詩清新渾脫不名一家嘗效范石湖四時田園雜興六十章敘述土風可補志乘又有憫俗

四篇則香山諷諭之遺也

汪嘉穀曰孝廉三上公車不售歸里後閉戶著書子東發能世其學

雨霽寫望

雨聲疎欲斷曳屐一相羊失喜見吾影破空來夕陽孤村鷗

聚散遠樹鵲低昂霜稻明堪穫安排釀索郎

憫俗錄二

世人執喪用浮屠吹螺擊鼓聲譙如親朋嘖嘖交嘆息有子
如此死亦愉旛幢導前行靈輻從後舉相送歸山阿未暇封
尺土仍用浮屠茶毗法謂令死者得入西方伍長者鑱短者
斧棺毀棺開速厝火赫然焰起如流虹驚魂暗泣生悲風高
天黯慘亦垂憫嗟爾人子寧無恫須臾燼滅人散去殘骸飄
零委霜露飢鳥啞啞飛下樹

博戲古亦有迄今何紛綸稱名日以多制器日以新相喚相
呼日徵逐野狐迷人無此酷一場縱博幾家貧後車誰鑒前
車覆長官豈不禁遣吏布教言上言國憲嚴下言物力艱諄
諄勸改轍宛若流涕宣朝來坐衙抑何怒捕得博徒兼博具

屢教不悛罪難恕後堂照耀紅璫瑜退與賓客還呼盧

朱丕基

字受之號標謝海鹽人乾隆丁卯舉人

余習曰標謝之學得力在六經其論述大有裨于經學惜所有者少又嘗與修邑志辨吳越分界金粟古篆三十六字東江攷皆有根據

落葉次許西峯韻同磊軒及笠亭從祖作

階前樹樹颭秋風落葉飛來類轉蓬萬疊寒煙籠古木一分春色在丹楓飄零流水唐宮外嗚咽哀蟬漢殿中回首韶華何處是可憐蒼翠一朝空

高枝一葉下江天瞥眼紛紛盡黯然新恨乍稀梧苑影羈魂欲化紫臺煙折殘生意曾三月看到成陰已十年何似瘦皮牛木樹青華長結鳳雛緣

吳

侯

字軼倫一字檢齋錢塘人乾隆丁卯舉人官金華教諭著有檢齋詩稿四卷

梁同書侍講傳畧君幼好學弱冠補博士弟子員乾隆丁卯舉于鄉因親老絕意進取杜門却執竭力承歡人服其孝友工楷法閒作小詩以自遣秉鐸金華教諸生以勤學勵行毋急功名毋事干請卒官年七十有五

次鶴榜七夕韻

半規弓月柳梢頭繡幔鴛鴦翡翠鈎幾見銀河尋好會却驚玉露滴新秋萬家遠思歸砧杵一夕癡情屬綺樓老至不堪時節變西風蕭瑟使人愁

次初秋夜坐

人靜梧桐院飛螢上玉鈞蒲團堪養拙枕簟已知秋藥裹經年慣妻孥逐日愁何時行却杖鉤艇逐閒鷗

遊豸光次湯西崖前輩韻

短筇扶我踏雲根泉走筠筒脚底喧入谷松陰迷鹿徑捫蘿嶺半得僧門晴嵐缺處江光湧湖色陰時暮氣昏太息豸光

禪寂久重來難覓種蓮痕

陳廷表

字星華一字西樸原名人龍海寧人諸生著見聞錄西樸集

楊秉初曰星華先生世居海寧現上善繼先志不事浮名爲人倜儻多才尤工書法足迹半天下所交皆名士

薄暮憑檻西望步雙鶴韻

陰晴朝暮有新題簾捲樓開日又西一片綠疑無地着千重
翠若與天齊霞光漸欲烟相和林暗將招鳥漫棲總是氤氳
堪入畫登臨正擬杖提攜

自黔陽歸濟陽贈何漚川

相別在歲暮相見在秋初其間歷春夏日月嘆居諸長征幾
萬里險阻生死餘彌覺山水悵焉能事詩書今日息塵轅况
入仙人居蘭芳滿室宇荷潔出泥淤點綴多卉木陳設勝瓊
琚一卷手自攜開軒悟太虛別時不相見見時意已舒且俟

涼風至飲食當徐徐

中秋後尚熱兼寄示兒玟

誰道秋過半能令壯士傷人情雖冷煖天道未交涼帆掛因風便心懸覺路長趁將風景好聊免九廻腸

汪光甲

字陞元秀水諸生

余習曰陞元工文善詩太傅錢文端公嘗序其百梅樓詩文集八卷行世

登樓玩雪

登樓如在白雲堆六出飛花梅又開玉屑未妨疎影瘦暗香偏逐雪光來

陳德星

字乾初一字鷺峯錢塘人乾隆丁卯舉人官陝西膚施知縣著施松集畫眼餘唱等集

蔣炯曰先生五古清超拔俗七古稍事藻繪迥殊凡艷尤工五律氣清格老凝鍊中自具豪邁之槩

晚望

客裏時光駛冬來晚氣蒼雁霜催落葉鷗水戀殘陽村火含
烟暝山雲曳樹長無因獨延佇寒月照衣裳

西溪人家

小塢夾松篁縈紆澗路長蠶添餒葉火蜂趁焙茶香護鴨欄
編竹緣溪岸植桑一鋤梅子雨處處種魚忙

溫貽孫

字穀芳一字力疇烏程人官海寧訓導著愛吟軒詩集

楊秉初曰力疇先生蕭間高曠懷抱古今有不可一世之概極爲徐蘋村沈心齋兩先生所器重

四十生朝感賦

短褐蕭騷賦伐檀燈光劒氣逼霜寒漫希駿骨終當買畫得
蛾眉半已殘豈羨浮名思入仕不因厚祿欲求官璫璫空負
髫年賞沈范曾蒙青眼看

孫珠

字龍光一字柳樊錢塘人乾隆丁卯舉人著有古香堂集

蔣炯曰柳樊先生天性仁孝任恤親族有古君子風于
書無不研究發爲詩文沉雄博渾援筆立就晚歲學益
醇粹澹于仕進獎勸後學無
倦容經品題者率成名宿

己巳冬日平湖舟中雜咏

水驛尚殘更寒雞先唱曉稍聞蘆葦中鷗聲清且悄鳬雁忽
高翔吾亦放孤棹風霜冬正厲帆檣白皦皦波光蒸水氣氤
氲森浩渺瞳瞳日初上金鉦掛木杪村落無人聲但見炊烟
裊靜坐久忘機輕舟狎魚鳥前路輕幽窄篷窗拂寒篠

扁舟若雪閒一往水雲深今朝過含山瞥眼見崎嶇峯然起
莽蒼平流遶高岑凌空湧塔勢螺髻如加簪風雲開水面松
竹暗巖陰下作鼉鼉窟上爲鷗鷺林嵐霧夜幕幕寒星曉森
森微茫漁艇火颯沓楚宮音我來不得泊風利阻登臨眇然
睇絕頂小閣俯飛禽想見北戶下洞庭如丈尋莫釐與縹緲

對面時浮沉

施曾錫

字詠派一字借林桐鄉人乾隆丁卯副榜著借林棲遺藁

嘉興府志曾錫幼穎異嘗與同學背誦文獻通考不遺一字又善鑒書畫考金石著詩詞三卷雜著筆記各一卷

雙溪竹枝詞

烟籠古寺東西塔香綻名花南北橋往事至今空寂寞行人

猶自話梁朝

東塔寺曰壽聖西塔寺曰白蓮南花北花兩橋名並蕭梁遺跡也

邵樹本

號贊村錢塘人乾隆戊辰進士由翰林擢御史

楊秉初曰贊村給諫工詩善書掌教紫陽多所造就手書凌虛閣匾額筆法端楷至今尚存諸生瞻仰靡不懷焉

仙霞關

縱目南天第一關控閩鎖越入雲間金城百雉誇屏障鐵騎

千屯鎮海山花落梵宮天雨淨

山有雨菴天

霞橫鳥道嶺風蠻重

門不用鳴宵柝絕域輸琛此往還

江郎山

僊傳黃石已茫然更有仙山不計年萬仞雲封臨白日千尋

壁立插青天蓮開曲沼承甘露

山上有碧蓮池時有甘露

茗采新芽帶曉

烟試跨長虹凌絕澗朗吟驚起老龍眠

朱丕烈

字正咸一字繡叔海鹽人乾隆戊辰進士歷官工科給事中著如蘭軒詩集

府志丕烈典試江南視學湖北並稱得士巡視臺灣開墾塞灌田民利賴之

遊玉菴

梵宇無塵垢西來此地偏鳥呼林影外門掩水聲邊曲折紆

樊圃清泠沸沆泉回頭城市遠小住一悠然

查

銓

字溪烟一字衡若海寧人乾隆庚午舉人著溪烟詩草

俞寶華曰衡若自幼謫居秦中讀書無師承有嗜古癖放歸後所作詩文悉能追作者之堂

過曝書亭故址三首

亭傳竹垞翁轉眼成荒塢蠹粉與芸香散爲上下土

亭以書得名書亭兩莫保願彼亭下花盡成書帶草

獨往尋遺跡風林舞葉頻書聲起鄰塾空憶曝書人

劉尚德

字次言一字西浦海寧人乾隆戊辰進士有西浦詩草

陳傳經曰西浦先生博極羣書所作樂府古調獨彈

韓蘄王廟

酣戰長江自奮戈中原王氣黯消磨英雄失志功名淡廟貌

猶存感慨多南渡江山三字獄湖西風月一肩羸翠微亭下

頻回首尚有綸巾載酒過

關邦幹

字震西一字澹餘仁和人乾隆庚午舉人

游靈芝寺

曉出城東隅蕭條斷行跡迴風入林薄落葉爭拍拍已遲黃
梅花愛此溪水碧頽宮得小憩欲扣仗馬策入門松杉青石
座卓且傑如聞獅象哀老佛化枯腊淒涼萬劫塵消長共一
宅持此摩尼珠照出濁底石東坡老居士前此誦禪客輝映
巖戶間詞語麗金壁我來亦何爲慷慨年運隔誰續虎溪遊
宗雷有遺澤

姚晉錫

字安伯一字蘆涇乾隆辛未進士官福建道御史著蘆涇集

陳傳經曰侍御負詩名而駕湖權歌尤膾炙一時

駕鸞湖權歌

南湖近在兩湖東中有樓居五代崇朱十翰林歌不到待邀
天語勅晶宮

省耕幾度惠三農烟雨如何湛露濃魚樂國前采魚藻釣鰲

磯上望鰲峰

魚樂國董宗伯其昌書釣鰲磯龔太守勉書並在烟雨樓

一勺曾傳洗硯池數椽道院穀庵祠逋翁逸史歸來早莫是

湖頭繫夢思

顧况洗硯池在泥涇橋北姚綬穀庵祠在清真道院

草堂湖上草萋菲屐齒斑斑客歛扉幾載令丞從事去貯書

滿屋蠹魚肥

聞人德茂名滋喜留客又多蓄書滋德典丞終進賢令宋從事郎曾為南湖草堂記

晏公廟後探花人轉漕歸艘競賽神誰識粵東周憲使年年

鐵面照湖濱

晏公廟後有桂湖上有隨糧王廟又都城隍廟祀明按察周公諱新土人誤為周忠介公非是

胥山樵子畫專門水墨吳中有遠孫葭莢琅玕添逸興梅溪

壁倚數公存

梅溪庵在秀水畫壁有項孔彰松魯得之竹陳繼儒山水孔彰號胥山樵唐張碧詩吾聞吳中

項容水墨有高價

洞庭橘到歲將開曉市鉏家上下灘來往五湖風雪裡語兒

巾子不知寒

元稹送客遊嶺南詩注南方海路稍通其中商肆多榜云此有語兒巾子

玉局文章百世豪殘碑馬券手揮毫禾中尚有歸來卷付與

衡陽歷怒濤

馬券今在陸宣公祠構李士人得龍眼歸去來子瞻書其詞後攜券渡洞庭舟幾覆舉篋投之

風浪頓息

秧歌唱罷又山歌四面無山水調多白鹿信知非物產蘆花

如雪遍嘉禾

舊志作白鹿今志作白蘆有東西二注

唐代繁雄白傳誇宋時織錦爛如霞霅溪俗儉比隣好菽乳

方傳到萬家

白樂天詩雲溪殊冷癖茂苑太繁雄詩言蘇湖二郡而不及嘉興其時蓋屬于蘇也嘉錦一名

宋錦市中業腐者多兩人

都

鐘

字文在一字苻洲海寧人乾隆辛未進士官福建德化知縣

修堤上板橋

三板橋危年復年重謀支木客行便自今霜曉有人跡無復

渡頭停小船飛絮著身風力軟驚魚避影水痕圓枝間恰恰
流鶯語爲勸先生樹底眠

趙

佑

字啟人一字鹿泉仁和人乾隆壬申進士歷官左都御史著有清獻堂集

俞寶華曰先生性嚴毅而禮謙下視學皖江時余因與其表甥陳震亨復亨交遂獲晉謁談次頗見稱賞先生以制義名海內詩不多見今從其族姪湘帆覓得一冊爲皖江使署所作亟登數首以誌遇合有因云

練潭館陽明山人題詩處

山潭迴淨練驛館啟晴霜

詩云春山出孤月寒潭淨于練館以是名

詩憶姚江舊

人喧古渡忙先生不可見客路一何長小駐留題去遙空雁

幾行

時惟弟備偕

渡江

江北江南際冬深冬淺間乍寒還乍暖宜往亦宜還風景悲
前晉情懷近故山迴看烟艇遠羨殺老漁閒

兩折斷軒象補遺

卷五

趙佑蔡成亮

七

敬亭山

見說危樓欲上難

北樓在府署後久無修者

雙橋兩水自迴盤不緣白也

詩篇在未必名山不厭看

蔡成亮

字曙鳴一字南陽德清人乾隆壬申

恩

許宗彥曰南陽先生蚤負文譽性好吟咏嘗結詩社聯牀唱和累月不休有以詩就正者口講指畫終日無倦容諸城寶東臯先生視學兩浙君爲屬官以詩請質先生稱善者久之人品亦極古雅

題錢稼軒司寇畫梅

香動南枝夜氣清徘徊踈影硯池橫上林風暖春先到一片梅花伴月明

舍弟拱其歸自仙潭示余詞賦閱而善之

水滿池塘草色平阿連好句韻天成思穿雲漢星芒動力拔河山劍氣橫傳粉已垂蓮臉笑撒鹽爭似柳花輕分明昔日

無知已擬向詞壇主此盟

紀復亨

字元穉烏程人乾隆壬申進士由翰林歷官太僕寺少卿著心齋詩稿

楊文藻曰心齋先生在京邸與錢宗伯載邵侍讀嗣宗蘇儀部文燈爲消寒會唱和甚富

謝文節橋亭卜卦硯歌

建安山下公潛走徒旅奔亡惟石友側足橋亭卜肆中元黃
血盡淚餘紅相看故國俱何處墨湧蒼波卷朔風北去淒涼
公不返墓田寒雨空碑版同心賴爾表艱貞徧刻夷齊作誌
銘遠過一片寒陵石留伴千秋玉帶生滄桑閱世如公在記
得庚申渡遼海一時球璧感興亡敲火還飛紫電光醉客滿
堂誰敢唾開簾起坐月如霜贈來死友珍逾玉猶見當時文
信錄

陳齊紳

字薌祖一字香林山陰人乾隆壬申進士官編修

陳傳經曰香林太史明齋觀察弟
也行誼文章一時有競爽之目

去鵬出都趙鹿泉編修以詩見贈途中和寄

最是臨歧黯淡情孤鴻南去朔雲橫黃梁好夢未曾夢蝸角
浮名不當名此際倍難忘舊雨幾時重與快班荆登樓王粲
眞無賴悵望天涯何處行

自問平生無一奇多君慰我贈行詩還家尚是他鄉客

子淨家武

昌未能返浙

炊臼偏傷去國時從此放懷麋鹿友那堪回首鳳凰

池諸公珍重登臺省也念閒居老髻絲

龔

同

字肖夫仁和人乾隆壬申進士官兵部員外

詠史

新豐雞犬樂平生免向宮中擁簪迎垂老祇應憐仲子不教
翁作一杯羹

漢室申盟帶礪新
販繒屠狗盡功臣
誰憐誑楚捐軀者
十八人中第一人

寂寞元亭載酒車
秋風夜雨泣童烏
宦情未艷朱丹轂
何事重爲莽大夫

吳

泰

字禮安一字春臺錢塘人乾隆壬申進士官甘肅鞏昌知府

陳傳經曰春臺先生宰繁峙多惠政居民立祠後以獲僞侍衛蔡元慶功晉武昌同知旋守鞏昌引疾歸著有春臺詩鈔

溪上

村溪幾曲引寒流
溪上柴門破不脩
藤蔓附橋常過岸
柳條欹水未妨舟
隔籬野犬迎人吠
戲渚春鳬逐隊游
何必桃源纔繫艇
此中幽趣儘堪留

月夜

夜靜月正高
清輝照茅屋
時聞疎雨聲
屋上桐花落

袁匡肅
原名肅 一字古雪 錢塘人 乾隆壬申舉人 官內閣中書

余習曰古雪詩似右丞

新秋

一分秋暫至
已覺客愁多
從此堂堂去
誰能草草過
懷新邀

皓月感舊送流波
此意誰堪託遺之
金叵羅

鄭步雲
字燕揆 一字養田 歸安人 乾隆壬申進士 官禮部精膳司郎中 著雪川詩稿

俞實華曰 養田先生由中翰晉儀部 戊子典試湖北 已丑分校禮闈 所取皆名宿 假歸掌教 豫章東林兩書院 勤于課士 閒以詩酒繪事自娛 其恬淡為不可及

東林精舍寄維揚吳涵齋編修

紅橋連日泛晴波
此後相思喚奈何
把酒宵深君曠達
尋春花落我蹉跎
夢回紙帳添愁轉
路隔雲山繞恨多
留取輕紅

香滿簷幾番讀畫一狂歌

君以畫簷見贈

吳壽祺

字宿長一字小魏仁和

陳傳經曰小魏爲東壁司馬之子其外舅沈椒園先生主粵秀書院時偕往游羅浮多和作惜不傳

馬上別羅浮

雲起羅浮山欲浮溪花溪鳥總清幽夕陽西下客東去安得

青山生馬頭

莊肇奎

字星堂一字胥園秀水人乾隆癸酉舉人官廣東布政使著胥園詩鈔

陳傳經曰胥園方伯官粵久其紀嶺南景物詩尤工

嶺南雜詠

炎風吹我嶺南行終日頽然中宿醒長髮倒垂榕近怪平頭

齊放菊無情雪如避地瀧聲寂

自來

水不攻城蜃氣平

春夏雨

每大作水

欲灌城松栢漫誇彫獨後山谿野蔓亦長生

兩浙輶軒錄補遺

卷五

吳壽祺

莊肇奎

朱休承

三

朱休承

字伯承秀水人乾隆癸酉舉人官城固知縣著集益軒詩

俞寶華曰伯承爲竹垞元孫詩有法官城固時檄調他邑固民數百赴御史臺乞還賢令君後以疾告父老阻其章不上幾一年比去有走送至興安者

留別城固紳士卽次送行原韻

廿年善政寂無聞辜負輿情重十分疇昔依依謗愛日祗今戀戀盼歸雲受錢遠媿山陰寵勸學多慙蜀郡文差喜諸君能自勗佳章疊贈意彌殷

寒風吹送去帆輕欲別難忘父老情素喜淳良近鄒魯忽傳任俠過幽并計程鄉樹新春見回首秦雲古棧橫但願樂城成樂土年年豐稔聽歡聲

田尹衡

字樂莘一字耕堂石門人乾隆癸酉舉人官福州同知著耕堂賸稿

題畫冊

野鳥戲水七八點衰柳卧溪三兩株彷彿去年尋舊雨秋風

一棹小長蘆

沈存釗

字西伯一字熙谷浙江德清人乾隆癸酉舉人官直隸深州安平縣知縣

鶯脰湖

幾行新柳接洲泚之字風帆破浪遲山鳥亂啼人又去平波

臺上雨絲絲

周翼洙

字繩文一字松巖嘉善人乾隆甲戌進士官衢州教授著香草居近稿

嘉善縣志翼洙以辛酉選貢入成均受經義于宛平黃崑圃受詩法於長洲沈文慤學日以進嘗為浙中丞選二十二史文鈔館杭半年得詩數百題曰萬松餘韻留京師日值修盤山志為諸鉅公獨任採葺書奏稱

旨詢

姓名焉

俞寶華曰松巖庚午與仲弟禮同捷鄉試甲戌與子升恒同捷會試科第蟬聯一門稱盛惜遺集未見東阜太史金山一絕又缺九字今先錄松巖一詩以誌其槩云

梅花菴

愛尋遺跡向東家岑寂茆菴鎖翠霞四海風塵三尺土千秋
心事幾枝花吟壇俎豆林逋鶴世外因緣杜牧茶一片殘碑
留共語松門冷月有歸鴉

查虞昌

字鳳喈號梧岡海寧人乾隆甲戌進士官池州知府著梧岡詩鈔

嘉善縣志查虞昌由戶部出典池州值歲大祲賑恤甚勞瘁甫二載引疾去僑居邑之香花里陳傳經曰梧岡姑婿少食貧力學通籍後譽滿京雒守池陽歸宵分嘗讀書不輟著廿三史攬實不芳園雜俎堇浦先生邀同人分賦武林古蹟得宋故宮

瞻望吳山麓荆榛何莽鹵云是宋故宮廢棄成荒土緬彼宋

中葉河洛紛戎馬

叶

和議已乖張遷都計尤左泣血挽乘輿

慷慨圖大舉上策幸南陽不然襄鄧可金陵下下策猶足規
進取奈何棄不顧來此江之滸魚鳥日嬉娛湖山自仰俯瞻
薪志竟隳燕雀堂還處豈徒地失利抑亦人心沮從知名勝

區祗作烟霞主金碧昔嵯峨瓦礫今環堵君看北極高鳳翥
蛟龍舞形勢壓寰區萬古雄天府

龔大欽

字惟吳西安人乾隆癸酉拔貢生戊子副榜

澱溪

錯疑濯錦水波融滑笏紋輕縐好風簾縠千層浮石外吳淞
一幅畫圖中晴拖嶺脚渾如帶影落橋頭未斷虹最愛夕陽
光掩映片帆斜落半江紅

劉振聲

字鳴九號鶴臯太平拔貢生

客中

頻有家書至親朋盡問安那知千里外仍是一身單啼鵲春
花謝鳴雞客夢殘愁來強自慰寂寞倚闌干

秋閨

刺冷三更月征袍尚未成金風戰桐葉催入剪刀聲

袁宏謨

字汝嘉一字雪坡錢塘諸生

抱山堂詩話汝嘉爲朱鹿田太守姊婿少與鹿田同學詩于毛西河太史西河稱賞之嘗云汝嘉風格絕似六朝下帷朱氏日及園吟詠甚富後因隣人不戒于火詩草被焚今搜得詩二章畧存其槩子彤字謝庭諸生得筆法于蔣湘帆以能書名

喜鹿田歸里賦此贈之

裹糧不畏長安遠豪豬靴踏紅塵軟禮部門前春思深柳絲
染就宮袍淺錢塘才子善屬文今君穩作新郎君如何過眼
迷五色姓氏不得干青雲掉頭竟去不肯住犢車直走叢臺
路叢臺芳草碧于線芍藥遲開菩薩面撐船訪寺春水肥風
餐露宿筋骸倦始信人間行路難名場鹿鹿幾曾安孝標詠
燕飄零久故園山川夢裏看歸來五月黃梅熟日及園邊紅

簇簇男兒遇合會有時且課園丁洗花竹

題鹿田詠秋詩後

慣作悲秋客吟詩水竹居無才驚謝朓多病似相如索句鶯求友攤書獼祭魚吳江楓落後遙望渺愁予

楊

塏

字爽菴號克欺秀水諸生著有忽笑軒集

諸錦曰克欺先生詩名久著每見所作深爲契合及觀面見狀貌清臞神情閒雅蓋年已知非外矣入其室則圖書滿架有目所未經者盤桓久之

余習曰克欺少從學查聲山太史能得其傳詩書畫雖非三絕亦負時譽隱居本郡之東瓜坊年九十六卒

霽後望洞庭諸峯

渺渺洞庭秋晴巒一望收餘霞懸峭壁宿雨滯汀洲鐘梵連雲度帆檣截水流驚人詩句在七十二峯頭

水竹居訪楚雲上人

眼前無俗物水竹夢郊居坐嘯頻延客臨流徧學書晨餐拈
偈後晚課落花餘屈指離山日蕭然髮已疎

賴鵬飛

字程九一字豫仙象山諸生著有留溪吟草

余習曰豫仙家貧性廉介好游覽與騷人逸士時相往還工書法善吟詠後客武原卒於法喜寺吳蘭陔先生

為之作傳

對梅雜憶

旗亭驛館醉如泥一任東風著意吹遠別故人千萬里月明

江上酒醒時

昨宵清夢到羅浮洞府凌雲訪道流一路香風吹上去遍遊

三百好峯頭

及世楷

字端人自號不羈生仁和人

華日南日靖人以父浚年暮客遊迎歸奉養因自棄舉業出謀甘旨所至人爭重之渡海染瘴歿族弟芳哭以

詩云孝能供子職貧不受人憐蓋實行也著有粵遊草閩遊草豫遊草

江上阻風

寒江渺渺泊孤篷坐對青山紅樹中盡日相留不相送多情應是石尤風

汪

璉字清苑一字貞白秀水人官廣東鹽運司經歷有梅南詩草松濤堂詩稿

遊一畝園

夾道濃陰帶晚霞南山茶接北山茶空林雨後無人跡開盡朱藤一樹花

青溪

青溪水繞淺深塘野草無名翡翠香陌上王孫春試馬倩人低唱杜韋娘

汪

燾字次類錢塘人著有倚樓病已諸集

蔣州日次顏與枕堇浦厠樊榭諸公
結詩社詩三冊皆先生所手鈔也

藤花歌

并引

庭側喬柯高聳雲表藤花麗其上飄颻四垂彷彿旗
幢華蓋觀者咸異之余以是樹賦材既殊而徒章采
于他木人但侈華之繁若相忘乎斯樹也重有感焉
珊瑚爲枝玉作莖霍靡蓓蕾鋪霞綺邛及柔條匝樹顛凌霄
直踞青雲裡盤空蜿蜒龍之而擎攫踠躔蛟颯纏燦成千串
牟尼珠紛錯萬象雲海市輪囷古幹羅珠瓊千枝萬枝花爭
繁君不見松柏徒令施蘿薦孤根培塿休相輕擁腫支離幾
危殆霜皮溜雨顏仍在材大難用古所嗟婆娑此樹悲無涯

王汝爲

字志宣會稽人諸生
著有籠鵝館詩稿

紹興府志汝爲家貧好客及客貴若忘其姓氏下帷講
授著門籍者不下四五百人後有膺薦仕者亦絕勿與

通于書無所不窺見聚講者每歎曰聖學豈口耳所可
爲功哉衣布袍數十年不論遠近望而知爲王先生也
詩格道上著
有泗水藏詩

雙溪畫障歌

有序

畫有山江橋舍舟帆釣繙枯柳蒼松而紅樹居半無
題署姓名有句曰一腔熱血無些用灑向千山處處
紅下紀庚寅則月畫於杜鵑樓雙溪必勝國遺老之
別字也

雙溪遺老塵寰中潛名乃作亡是公欲將妙筆寫箕顙只愁
此世非黃農洗眼惟看故山月舉頭忽見南天鴻不知日月
幾昏旦俄驚節序成秋風崢嶸邱壑總如舊紆迴橋舍仍相
通逸興聊憑水村釣歸心或寄江烟篷所嗟灌木變顏色不
餘佳氣含菁葱青楓烏桕爛朱紫火雲出地還燒空烈士暮

年壯心在眼枯見骨飛殘紅浣花溪頭一老翁當年奔走川
西東偶聞蜀魄輒下淚萬事反覆何終窮羽毛憔悴口流血
暗隨風雨沾深叢此事流傳吁可性觸目煩冤幾行輩烽火
縱橫白帝城衣冠漂沒金牛界竄身荆棘髮欲髡脫迹泥塗
年益邁亦有同時草莽臣每聽杜鵑常再拜好從何處築樓
臺那許當前論成敗數行詩句寄牢愁一幅丹青施狡獪烏
道蠶叢歛已開殘山剩水空相對縱有羈魂不可招圖成夢
到愁雲外

聞人鍵

字大閑會稽貢生著有清樾吟

余習曰大閑性慷慨喜結納詩文俱有根柢浙東西才士無不知其名

題金聞石燕南趙北圖

盡說儒林異游俠那知游俠在儒林櫻桃血漬芙蓉鐸何處

荆高一片心

柴育孝

字行原會稽諸生著有兼山詩鈔

商盤曰兼山學杜僅得形似取其清挺流麗者不必處處規撫少陵反同壽陵之步

宿僧舍

信宿招提境塵勞此暫停觀空無我相深殿一燈青花散香臺靜龍歸古鉢腥安能逐鄉夢瓢笠寄南屏

戈守智

字達夫號漢溪平湖諸生著有偕存集

徐熊飛曰先生詩與杭堇浦屬樊榭諸草廬諸公相倡和才名藉甚晚年格律益細

正月九日集南屏山房

曲逕通禪室苔痕上竹扉山虛憑眼濶梅老著花稀人擬畫中住鳥翻空外飛忘年皆勝侶吟趁夕陽歸

魏

舒

字更生嘉興人

潘學敏曰余家藏有王茨檐先生手書日記一冊中載魏更生事極詳錄其畧云僧一壑字印方俗姓魏住持桐鄉縣鳳鳴寺會鄉民有與土豪爭田者縣令某已斷歸豪壑助鄉民使控于上官因得直于是豪與令咸切齒于壑誣治之為榜于通衢有能持壑私事者悉以告數日無所得將陰斃之千緣適令以事去新令舒至閱獄中得題壁詩一首歎曰此湘纍遺音也立為平反釋之使反初服復姓更名舒字更生因為詩呈舒令于是魏更生詩名一日聞遠近人以為藝林佳話云

呈舒明府雲亭先生

纔解軍持別梵王臨岐心事半堪傷冠巾重上先人塚衣鉢分傳弟子行舊剎風幡塵滿座寒窗夜雨夢連床余止一將弟早世身好比青蓮潔雖在淤泥亦自香

年來恩怨已忘情回首前塵涕尚橫羅織已成三字獄齒牙翻借一時名青蠅黃犬吟徒苦落葉秋風思更清不遇知音終見屈憐才千載獨吾生

施遇鑾

字金門號筠莊孝豐諸生

陳傳經曰筠莊先生詩學太白文宗眉山精天象能默繪躔度書法古勁尤工篆刻子應心並有詩名茲從蔣村處抄存之

遊天目山

上謁浮玉山蕩蕩天門開火龍何蜿蜒乃從崑崙來潛蚪出
相媚珠璣落九垓袖口瀉白雲屐齒澁青苔南望帝王州飛
舞何雄哉當年孤鳳凰一叫西陵摧臨江玉柱峰平揖蓮花
臺靈濤捲秋月隱隱無一坏誰家白玉童遊戲青山隈導以
蘅薇香鸞笙吹雲迴仙人鶴背冷幾日峨嵋回日夕臥蘿壁
側聽猿聲哀

曉雨墮寒翠輕蘿搖煙空手扶綠玉杖直指香鑪峰青鳥相
對飛玉女來墉宮云何一車葢亭亭似芙蓉颯沓銀麒麟出

沒雲海中卽之了不見花氣春濛濛

西行到玉柱巖潤答松風美人彈素琴泠泠春山中側聆心神清逸興安可終未覺超絕頂忽已卑羣峰江流天際落拓我萬古胷銀海照衣裾躡影凌虛空長嘯反幻住歸路迷舊蹤

錢大琴

字琴魚一字箬潭長興人乾隆丙子舉人官山東德平知縣著同文錄五經解鉅經堂稿

陳焯曰大琴宰德平五載多治行如濬河輯志諸役皆能以經術飾吏事詩學亦見稱於錢塘陳勿山武進莊方耕兩先生

秋日登峴山

水晶宮護水雲低峴首幽尋路不迷小艇搖秋疎樹外遠山浮翠夕陽西塵封古屋餘蟲篆葉落空亭任鳥啼自昔名賢觴詠地窪樽誰更續新題

吳

澂

字淨江乾隆丙子舉人

抱山堂詩話淨江少耽經史愛吟咏長身玉立風度清遠遊汴梁歸溺于袁浦其詩稿亦隨散失予有句云我在江南招汝魂高歌一曲公無渡傷之也

懷南屏讓山上人

閒時理策到禪關
楓柏經霜葉正斑
不見詩僧剛一載
寒鐘聲裏自看山

黃

璋

字稚圭一字華陔餘姚人梨洲先生元孫乾隆丙子舉人官江蘇沐陽知縣著大俞山房集

過廬抱經侍讀寓齋

宣武橋傍日漸舒
玉泉山水生初賣
花聲裏過寒食
春樹亭前好讀書
齊語吳趨聯袂咏
張南周北夾漳居
憑移文社無虛日
禪悅名機一起予

懷洪霞城客維揚

遠憶邗江客離居日日愁如何經歲別不見尺書投京口寒
潮暮淮南落木秋扁舟何日買浩蕩下東流

余大觀

字松屏仁和人乾隆丙子副貢著菴隱齋集

湯禮祥曰先生私淑周徵君穆門而裘丈尊生徵君增也遂往受業以明淵源之有自故人品似徵君而字與詩爲尤肖性孤潔終身不娶比之牧犢子余嘗助中丞師編兩浙詩念先生老且無子欲取其詩入選限于例而止今年冬先生去世其生平所爲詩稿易簣時舉以屬余而輟軒錄適刊續編遂附于後

去秋浙東西被旱禾苗盡枯今春陰雨連綿麥收不給

饑民流離於道鄉人來述憂而作詩

吾浙產米少歲用待估客市河百千艘長江販絡繹頻年農
獲歉告糴實吝惜東西十一州皇天仰厚澤何期去秋旱井
底泥見坼豐稔憂缺供矧迺地盡赤官司發賑勞奔走困行
役

天子下明詔截留減貢額百姓困復甦各各安戶籍窮冬旣
已邁春事年來適糴勸去積草霑塗勤糴襖將事叱春牛播
種禾與麥及此補救功猶解倒懸厄奈何雨連縣苦霧蔽朝
夕三辰影不分暴漲欲泛宅饑民號載途高榆齊剝白倉廩
積已匱搶奪紛門格性命亦可憐哀哉輕一擲旅人忽聞此
泣下驚動魄我貧走四方家儲無儋石幼妹亦何知弱弟復
瘦瘠衰親望不堪生事累計畫媿無橐中金書寄空函折擾
擾亂魂夢憂來不可釋

題魯且愚畫竹

魯侯興酣埽毫素疎竹森森起烟霧意到下筆如有神陰風
慘澹瀟湘暮古今墨竹推文同元明以來誰並工北郭居士
有天授畫出遂令凡輩空龍蟠鳳翥勢欲動中有雲氣飛濛

濛先生直節世無偶苦愛此君稱妙友繞屋何須種萬竿落
紙已似橫千畝晴窗展卷風聲寒恍疑夢落滄洲閒耳中雷
雨聽驟至蕭蕭吹動青琅玕

阻風京口望金焦兩山

帆卸江邊住篷窗坐寂寥名區指北固往事說南朝行役頻
年感鄉關昨夢遙何因銷客恨洗眼看金焦

友人招看桃花不赴

晚霞正喜十分晴忽地宵來作雨聲聽徹五更偏少睡吹殘
一樹最關情空煩詞客曾留約無那天公不放行寂寞閒齋
何計遣且呼尊酒對棋枰

暮行隋隄上

烟橫衰柳點棲鴉回首長隄落日斜曾是昔年梁宋地却教

終古屬隋家

汴水微明斷續流
龍舸鳳艚幾經秋
不知何與行人事
贏得淒涼滿眼愁

方

塘字蒸砂仁和籍江南休寧人乾隆丙子副貢生官直隸玉田縣丞

村居漫興

漢陰機久息
秋日此閒居
汗竹知無分
哦松興自如
青山真隱几
白髮漸盈梳
識字畊田父
寧云賦遂初

張宗本

字禮畊一字蘭榭海鹽人乾隆丙子副貢生候選鑾儀衛經歷

梁同書墓志銘畧曰君性孝友事母壯年猶孺慕與弟東谷廣文朝夕不違左右好接貧士有貸者未能償又告又貸之終不能償折其券有至數千金者家以是少落而施與不倦子慎茂才亦工詩

暑夜遲友人

晴雲高不落
暑氣逼空林
永夜洗塵俗
清談見古今
微風吹

木杪浹月渡牆陰子靜歸來晚軒窗有素心

查昌和字可大一字介萍海寧人乾隆丙子優貢生著半詩吟

海寧州志昌和從祖慎行嘗舉經史課族人見昌和好古不同流俗謂科第易得成一士君子為難自此勵志潛修不屑章句

子茂蔭舉孝廉

西阡看桃李

密壓紛披不見條深紅淺白兩招邀鶯梭燕剪渾無賴閒看

飛英過小橋

孫鯤化字雲翼一字後齋長興人乾隆丙子舉人官象山教諭著有寄象詩草

魯杏秀日後齋先生性伉直喜獎勵後學足迹遍天下嘗登秦岱披古遺蹟雖懸崖絕壁風雨漂漫必刻若剔揮手模其文所著卷石志考証詳確工古文辭嘗就正於宜興儲畫山淳安方樸山兩先生遠有家法咏詩其餘事耳然詩格亦極清麗

一覺

一覺曉眠後何由息萬緣風聲分竹籟露氣渾花煙座有書
消日心無事卽禪百年曾幾許暮色又蒼然

中秋對月

海角孤行月天涯特立身山形不礙影秋水自清神未免高
難仰還因冷見眞輝光肯相照應到故園新

題竹初菴圖

仿巖小結菴砌以脩纖竹瘦骨裏琳琅主人亦聊復隨分展
道經掩映字字綠忽驚風雨聲一夜長龍籜

陸昌祖

字駿聲嘉興人樹本子乾隆丁丑進士官順天府通判著柳堂集

俞寶華曰柳塘官大埔歲饑先發倉平糶乃上請所濟者衆乞養歸主駕湖講席幾二十年

題駕湖春餞圖送友人之粵東

折柳依依送曉行桃花新漲落紅輕春光渲染倪黃趣畫裏

鷺湖一片明

朝雨城陰繫客舟，早飛詩夢到羅浮。嶺南野老如相問，舊令

衰慵已白頭。

余去粵已二十餘年。

袁鑒

字汝甘一字春圃錢塘人乾隆丁丑進士由編修官至江寧布政使降補江寧知府

隨園詩話余春圃香亭兩弟詩皆絕妙

而人累于官一累于畫皆未盡其才

楊文藻曰春圃先生為杭蕙浦張無夜兩先生高弟子故詩律具有淵源暮年獨好松雪雁門之詩尤工七絕

虹橋秋泛

出郭聊為汗漫遊，虹橋曉放木蘭舟。菱荷香氣宜初日，鷗鷺情懷赴早秋。自喜琴樽今雨共，敢夸風雅昔賢儔。盈盈綠水依依柳，暫擬名園作小畱。

雁落平沙古調稀，冰絃聲徹樹間扉。荷亭遠暑茶煙颺，竹院尋僧木葉飛。山雨暗移遊客舫，水風涼上酒人衣。林鴉檻馬

都喧散賓從傳呼子夜歸

陳經禮

字慶旋一字檢齋秀水人乾隆丁丑進士官湖南永綏同知著檢齋詩集

嘉興府志經禮以進士知沅陵縣置郵凡五站值軍興
嘉午士馬芻糧支應費絀鬻產補之不以累民大吏廉
實保陞永綏同知

過輿梁江

兩峰巉巖插天起猿啼虎嘯煙霧裏中間滄江一道波潈洄
乃從亂山落日之中來蒼崖逼峙氣鬱怒湧爲瀑布聲如雷
緣以千步磴跨以百丈橋彩虹臥波波倒射行人側足皆動
搖我疑龍門入節灘又疑富春七里瀨清景煙光彷彿同却
忘身落蠻荒外

臧榮青

字藜閣一字理谷長興人乾隆丁丑進士官湖南岳常澧道著江右草山左遊草

吳興詩話理谷歷官楚蜀績茂廉平集
有感遇詩旖旎溫柔似不類其爲人

感遇

蓮花莊上接橫塘十里風疎水檻涼
小槩划來菱葉路隔船
驚起野鴛鴦

時樣低鬟黑似鴉
愛渠全不鬪鉛華
髮香夜半回鴛夢
開滿雙頭茉莉花

蔡亮茂

字仲淵一字紫岳德清人乾隆丁丑進士官太原同知

題徐景韓晨窗餽目圖

割肝剝心療親疾
奇行矯矯光于日
毀傷母乃非人情
流傳史策譏其失
駒王之後至性淳
冲融色養蘭陔春
一旦高堂藥爐畔
別奏方術功通神
琴瑟不御笑不矧
愁絕阿翁翳生
眵秋水忽驚沙礫
投古鏡乍埋土花
隱仲景已死思邈
仙安得朱映目神全
其天徐公孝思挽
造化捐棄玉版金
臺篇乃

圭鍼斲力不到舌與目接骨肉緣漱以華池塵垢潔滌茲玉

泉障霧縹定是釋氏珊瑚舌借與君家作剔抉不然正倫

神舌

名室有權未必青蓮照寥沆

如來有蓮花眼

窗外雞啼曙色開此圖

展閱心爲摧寧惟倚榻最堪憶何須詩廢蒿莪來

楊金蘭

字巨川一字佩堂錢塘人乾隆己卯舉人官四川金堂知縣著有佩堂吟草

楊秉初曰家佩堂先生錢塘名宿出爲縣令以循聲著

登丁仙閣贈陸道士

我登丁仙閣閣下萬个竹竹裏有人家知是道者屋繞屋聽

流泉泉聲在空谷扶梯上高樓樓頭豁心目推窗望長江風

帆相往復勞勞名利客馳逐何其速不如坐此軒且把黃庭

讀少遲煮芽茶茶味飲芳馥閒消一局碁勝負奚用卜未幾

晚煙起曳杖出林麓到家問家人可備新糟麴

兩浙輟軒錄補遺

卷五

楊金蘭

陳用敷唐淮

罕

陳用敷

字正誼一字體齋海寧人乾隆庚辰進士官安徽巡撫

俞寶華曰體齋舅氏由選君數歷中外撫黔者一撫粵者一撫皖者三所至有廉能聲詩不多作此稿道藏華篋衍中存之

將抵皖江寄周方伯恩廉使

輶車問俗重春孟六皖風光約略諳須識莠民半西北可能
漕弊減東南坡公在昔傳三到叔夜于今豈七堪武達文通
仗公等老夫畫諾只懷慙

唐

淮字晴川一字西園秀水人乾隆庚辰進士由編修官御史

荅金醉墨送行

春明馳逐又經年敢道驂驪只戀燕十里楓林紅滿路離懷
猶記早霜天

沈啟震

字位東一字青齋桐鄉人乾隆庚辰舉人官山東運河道加按察使銜著金陀柘湖嘯竹花步金臺

沂水
等集

汪嘉穀曰觀察少時古詩摹倣昌黎奔放雄傑晚年抒寫性靈純以靈動取勝

訪王樂園

不知誰是客數過竟如家一逕還餘雪到門先問花偶思新
釀好同向隔溪賒帶得醉顏去歸途日已斜

山行晚歸

菜子花香放晚晴東風五兩拂衣輕四圍野色牽詩思一路
青山送客行煙際鳥飛深樹碧水邊人語夕陽明杖藜未覺
歸途遠聽遍橋頭欵乃聲

童鳳三

字鶴皆一字梧岡山陰人乾隆庚辰進士官吏部侍郎

送邱至山南歸

二月燕山道春寒雪尚遲如何亭畔柳偏綠送人枝遠鳥孤

飛外斜陽獨立時幾回搔首望雙鬢欲成絲

沈咸熙

字熙人歸安人乾隆庚辰進士官內閣侍讀學士

秋懷

微雲澹蕩映空階極目天邊水一涯作賦曾饒潘岳興題詩
猶抱惠連懷頻年間絹荷衣退萬里凌霄雁陣排無限幽情
消不得感時吟與候蟲偕

倪廷模

字春巖錢塘人乾隆庚辰進士官安慶同知

俞寶華曰春巖官桐城時持法嚴厲盜賊寢息外戶不閉有古能吏風全集未見僅就所知集錄入

春草

花村未聽栗畱歌迤邐銀塘綠似波無限芳情生隴坂傷心
碧色是關河長堤小襯香輪輾綺陌斜侵羅襪多却愛春山
游興劇好尋行徑上煙蘿

葉

莢

字崑田一字香祖仁和人乾隆庚辰恩科舉人榜名芝官內閣中書

余習日崑田先生兄藩弟莊居武林東城年至五十先後告歸極湖山友于之樂人稱城東三葉云

古藤書屋藤花歌

古藤書屋藤花歌我今補作非誇多深居嘿臥費日月當年

手植知誰何名花舊巷記姓氏彷彿徵景城東阿

宅爲張卿子章藻功

故居蓬門詩卷久零落花隱亭句遺搜羅石耶藤耶始莫辨但

覺鬱屈礪砢天際摩瘦蛟直上舞修幹彩鳳欲落搖煙蘿又

如天女散時墮瓊瑤明璫翠羽垂傥傥丰容遠視碧空艷肥

香細耐薰風和先生無事此靜坐有客日日斟香螺後之視

今猶視昔此藤未譜終傳譌座中好事有嚴大

謂嚴古綴意許潑

墨圖高柯倏然已隨花落去徒令此願成蹉跎嗟乎徒令此

願成蹉跎

李常吉

字桐江一字傳巖海鹽人乾隆庚辰進士官貴州天柱知縣著傳巖集

余習日桐江先生初宦楚黔後因事落職遊幕粵西負米養母生平所遊皆山水窟故詩多清峭而入粵後格律尤細

雨中望陽朔山

羣峯不作一錢直

東坡詩君談陽朔山不作一錢直

悵望扁舟綠水間今日

空濛煙雨裏推篷錯認米家山

昭平灘

一灘未平一灘起終日舟行浪花裏灘深水急風又橫吹轉
船頭作船尾長年屏息待風定邪許連聲呼共濟我昔曾從
巴峽還清灘葉灘如等閒及今老去戒垂堂猶能狎視波濤
間乃知涉險利用壯鷹乍離韉馬辭仗操縱撇捩捷有神安
用心魂坐凋喪

張慶源

字崑白號愚髯秀水人乾隆辛巳進士官山東萊蕪知縣

俞寶華曰愚髯生時其祖夢披髯蘇文因小名阿髯小時多病一日惟啗三蓮房就傳後宿疾頓愈九歲卽通五經兼工真草十六補弟子員廿三登賢書又十年成進士有自述一百韻紀之頗詳詩格清高茲從愚髯小稿中登其尤者

聽雨

夜雨落茆屋無聲更有聲望雨小無聲望雨晴

車行卽景

林空山逾青草枯野無綠疎籬遮茅簷敗葦葢土屋石激寒泉清枝撐老樹禿著眼車中人天然圖一幅

新秋夜

六扇斜窗總不關清風吹鑰響魚環坐知暑退房櫳裏夢覺秋生枕簟間星月沒來如好畫竹梧幽處卽深山殘燈莫惜

頻挑燼難得閒宵任我閒

馬俊良

字兼三一字約堂石門人乾隆辛巳進士官衢州府教授著嶠山詩鈔

題文伯仁攝山白乳泉菴圖

攝山諸峯殊秀絕峭壁層巒高巖岨黃緣一徑入蒼松仙草
仙花紛繡纈棲霞積翠靄沈沈時有鐘聲出林樾暗谷琤琮
數里聞探竒直與窮雲窟小奚蠻槥緣溪行筇杖芒屨俄超
越竭來千佛嶺摩空玉斧劈開石髓滑一泓清可沁詩脾皎
鏡清寒鑑毛髮茅菴如斗置平坡煮茗聽泉爲小歇樹裏長
江一片明布帆幾日潯陽發煙波萬里渺何窮空羨佳山雙
游屐披圖無計信漁樵輸爾枕流漱白石

沈

琳

字華坪嘉善人乾隆辛巳進士歷官光祿寺卿

汪氏雙節詩

高行爭推二母賢漂搖家室記當年所天可質生無愧有子
能文死亦傳

以疇初

字倫元一字秋暉秀水人乾隆辛巳進士官安徽潁上知縣著秋暉詩草

草碣懷古

吳越爭戰處有國界橋在焉產蟋蟀以善鬪稱

吳越千年後仍畱國界橋殘雲沈古戍屑雨亂秋潮坐歎熊
羆盡空餘蟋蟀騎昔時忘畫守恨事問漁樵

赴秣陵

鞭指金陵驛路遙斜陽古渡馬蕭蕭江花老去紅離樹岸柳
斜來綠過橋劍策忙忙耗歲月煙雲寂寂付漁樵買山得遂
平生願佳麗何須話六朝

齊世南

字英風號蓀圃召南弟天台人乾隆辛巳進士官寧波府教授

華日南曰蓀圃學貫經史博而不雜爲孝廉幾二十年始成進士榜後諸公卿爭物色爲皆欲挈之青雲之上

蘇軾性古拙終日閉戶或咎之笑曰功名有命柰何作

馬廐中人哉既殿試求改教得四明教授終任罷歸自號峨松居士所著有玉芝堂詩文稿

說劍

有客帶長劍光彩何陸離借問劍聲價慷慨前陳辭南金經百鍊磨錯良有時淬鋒汲清水拂拭用紫泥發劍新出匣蔚然動容儀流光繞紫電回顧青霜垂太阿伯仲間湛盧不足奇在昔張雷佩千將莫邪隨雌雄能會合投水化蛟螭至寶氣不散精英降在茲聞言頗驚詫撫髀生深悲薛燭既難再補履不如錐胡不上方供沈淪東海涯客笑而不言束裝攜去之

許昇元

字暘生又字蔗田德清諸生

無居歎

孤雲在天無與親溝中之斷離其根男兒骯髒不得志寒熱
都成襖織人長安多甲第去傍誰家門懷中之刺字已滅胸
中之鐵鋼已缺吁嗟乎蝸有廬兮牛有宮將焉置此七尺躬
無煤歎

駝峯鼎鼎卸黑鐵攪水和泥印如切高堂大屋煖生春圓爐
滿熾堆紅雪誰憐手龜指瘰裂破紙條條搖敗簞此時輾轉
念家山山中木葉猶堪拾

無米歎

書空日學無米帖釜底蕭蕭響枯葉旃檀香斗隔前塵夢將
羊鬚珠墜粒跳跟饑鼠過牀側身不遑謀寧汝卹古經空注
作飯三祿籍翻思藁糞百吁嗟乎其嗟可去謝可食世上黔
敖未易得

無衣歎

無玉可懷并無褐朔風凜凜雪三尺瑟縮簷前凍禽立凍禽
尚有枝可棲貧士欲歸何處歸君不見空牆日晚少陵泣范
叔綈袍贈有誰

吳

紀

字南江仁和諸生著竹所吟稿

陳傳經曰南江先生葉古渠太守外舅常師事之子魯望爲陳氏後辛酉以省元獲雋壬戌成進士皆遺教也

冬日遊風篁嶺

避暑來看竹衝寒爲探梅嵐輕林影斷風逆雁聲回絕頂盤
紆上全湖泱泱開今朝吟興好莫使月輪摧

俞

耀

字配五一字光遠海寧監生有楚遊集

吳江曉望

曙色催殘漏輕寒透短篷孤城環水合斷岸小橋通冷入蒹

葭露香飄橘柚風寒鴉啼徹後點點集江楓

陳祖烈

字夢陽會稽人著有玉鹿山人詩集

陳傳經曰玉鹿詠史多可存者今錄其一

咏史

千重鐵騎帶河吞冠履心悲安可論三峽樓臺連紫塞六陵
風雨泣黃昏銀箏小鼓天麾舞椎髻穿衫月下魂回首穠華
今宿草啼鵲聲徹上金門

元史

盛復初

字進顏嘉興人著春谷小草

古北口

路繞空山日落時東行屈曲度關遲澗中冰雪寒猶在塞外
風霜春不知故壘臺荒餘寂寞暮笳聲遠最相思回瞻京闕
黃雲隔萬里長征笑自癡

兩浙華軒錄續遺 卷五 胡壽雲 蔡崇基 女月虫 呈

姚騰虬 字思潛山陰人布衣著有類山詩草

余習日類山居厚社里貧而工詩

題商寶意太史簪花圖

蓬萊殿裏舊仙曹小謫塵凡興尚豪一簇天香歸院晚依然銀燭照宮袍

胡壽雲 字叔玠一字玉坡平湖諸生著玉鳴集

朱為弼曰玉坡子東湖洛如吟社中詩最雄渾為諸草廬屬樊榭心折徧稽金元後事實補前類書所未備著識小編兼工鐵筆所鐫印章得漢意

清明拜先人墓

三十親辭世呼天廿八年青衫仍故我黃土未新阡鵲鳩逢寒食溝塍落冥錢攜兒同拜掃忍讀蓼莪篇

蔡崇基 字效青一字放逸德清人著有竹寒沙碧山莊集

徐熊飛曰太虛壯歲負奇氣曾破家走京師經營友人
喪晚年徙宅永安山種野枌千樹與我怡老人對山而
居足跡不入城市我怡萬姓名主靖武康歲貢生山
寇姚子琢爲患我怡格殺之焚其巢而歸亦奇人也

贈我怡老人

兩家風景類仙家
嚼柏餐芝刷晚霞
千樹瓊瑤相掩映
看邊人看那邊花

與沈子述話舊

燒殘寒三話深更
忽爾歡騰忽涕橫
難得山城秋夜永
清霜斜月鼓山更

駱洪裘

字鎔旂武康歲貢生

徐熊飛曰先生專精經訓以刻苦自勵所著讀詩札記
寓翁曰抄皆精核有發明詩不多作然亦不染泥滓

清溪村舍

芭蕉陰陰青入簾
朝來忽失南山尖
滿城宿霧欲成雨
時有

兩浙輜軒錄補遺

卷五

駱洪裘

楊爲霖

陸賢英

吳

鵲鵲啼過檐

楊為襄

字東亭嘉興貢生官臨海訓導

李集孝讓先生傳略先生事母太孺人自組紉并總以
至中希廟諭罔弗躬親或至代理檣具太孺人嘆曰汝
豈知女紅乎仍怡然順受以為常父歿時或固爭以庶
兄孫傳重亦聽命虎林友人貽書規之潛然日不肖子
以母在緩死須臾更忍而爭此乎因諸生中三
十年為交規前賢詩亦高雅恬淡有靖節風

春波漁市同郭耕隱作

鴛湖春事好鼓棹入陂塘水漲一溪綠花飛滿塢香倚篷看
網集近市覓魚膏日落煙雲裏歸途興更長

陸賢英

字翥聲一字廉石烏程歲貢生候補訓導

董肇鐘曰先師廉石先生受業南江先生之門經術詩
學得其指授讀書道場山七年學益博洽郡守張公三
烈見所作沈貞女說極歎賞之

西吳竹枝詞

薛家鏡子最精良生練曳來半面光拾得龍盤書小字可知

前有十三郎

袁宏道詩薛家鏡子開生練紫薛杭人也而業于湖子購一鏡開之止半面光如上弦月背鑄

兩行曰湖州石十三郎自照清銅鏡子

陳可升

字補庭一字旭峯烏程人

陳傳經曰旭峯生遭坎壞故詩多哀怨之音

清明祭先塋志感

頭白無兒者孤墳獨祭先病扶枯樹影泣望落花天慘淡澆
杯酒荒唐燕紙錢不知衰謝後誰復拜啼鵲

夜泊甘寧廟下

江黑人無語梳燈影忽微風迴鴉陣落空際廟神歸

再登鐵塔

中原勝地竟如何石塔堅凝鐵不磨攜客再來高頂望碧光

一縷瀉黃河

丁伯長

原名維垣字孟勤一字左川嘉善縣志附貢生著謙湖詩鈔

嘉善縣志左川室沈氏亦工詩善畫

梁山舟冲泉兩表兄以上已集萬柳堂作見示卽次山

舟韻

風光最好三月三都人陌上紛趁暉錢龍木兔競游衍軟紅
十丈雲曇曇二梁嗜好與俗異青鞵布襪性所耽相期郭外
愜幽討獨於勝地聯朋簪沙河門外萬株柳堂開綠野人爭
設舊時風雅竟安在至今老屋餘精藍泠泠梵響木魚靜煙
絲一一搖空潭永和人物差彷彿長歌磊落深情含回環把
讀口生沫恨不裙屐同搜探顧我別家春未老杏花零落桃
花酣長安屈指一年住閉門嬾散如眠蠶幾回欲結討春伴

塵沙刮面愁何堪眼前撥觸興不淺夢魂一夜歸江南蜂狂
蝶趁各無賴柳陰深處攜雙柑醒來曉氣逼枕席高枝百轉
鶯聲慙

朱邦垣

字樹屏海鹽人
有梅籜詩鈔

陳傳經曰梅籜爲灑亭次子灑亭在五子社中
有聲梅籜與兄桂巖早失怙能以詩世其家學

八月十三夜作

蛩響仍依月檐虛解受風此情何以遣永夜更誰同秋向愁
中過詩從別後工寒城吹笛暮落盡桂花叢

橘枝詞

江邊楊柳山頭橘唱罷楊枝唱竹枝楊花吹落郎易別橘實
含酸儂自知

橘花開時送郎去橘子紅時念郎寒離離雖好君休羨何似

雙頭號合歡

馬

鑠字讓洲會稽人官西
壩同知著讓洲詩鈔

早發太行

太行絕頂逼天門
歷歷星辰手可捫
匹馬獨盤雲外路
荒雞遠叫水邊村
道旁紅葉新詩料
客裏青衫舊酒痕
回首西風秋色裏
不知何處是家園

雨後薄寒偶成

雨過餘寒在無風
夏亦涼茶煙遲出樹
苔色暗侵牀
櫻筍廚誰設
尊鱸念正長
鑑湖新水足
日日望歸航

兩浙輟軒錄補遺卷五終